

Kukuyi ni ina

Yu adiwawa hen kami a malekaka, ya cacay a mihca a milisin tu ku Taywan tu valuhay a mihca. Mipangtang tu ku cacudadan, u kaliumah a paenip tu ku maumahay. Sulinay, mara:ay ku umah nu niyam, anu tayra a maumah ci ama aci ina. Cacay sa a lalipayan miherek a paenip kiya taluma'. Sisa, yu a rarutu ku heni, caay kanca misinga' kiya ina tu nisanga'an nira a kukuyi. Sulinay, pacait han nira i caveng nu lalavu nu luma' a karimucu', kiya lahekel sa a talaumah a maumah.

Meduk sa hen a tayra i umah tu nalikulan nu heni, suwal sa ci kaka tu vavainayan i takuwan. Alaaw nu mita kiya kukuyi a mikaen saan, pacauv hantu nu maku. Aka'a! A maan hantu kiya wina, a mapatay a taesen kita han nu maku. Pacauv sa kiya kaka, a matenes ku heni i umah a maumah. Aka katalaw saan isaw, hayi: han tu nu maku.

Nasaan miala tu kami a malekaka tu tek, sapirawis tiya nicaitan a kukuyi. Itiya adidi hen kami, caay hen pakarawis tiya nicaitan a kukuyi. Sakilemel han niyam a micukeluh tu tek kiya nicaitan a kukuyi, araw mahetik isaw kiya kukuyi. Naitiya caay kaw kaci ku hinasera u sera hen, tumian hetik sa i satahev nu dangah. Araw naira kiya nipateli ni ina tu

satahev nu dangah i sasa niya kukuyi yari, namahaen tanuulah sa kami.

Caay tu kavana' tu nu tamdawan a mikamay a mipilet a miseka a kemaen tu mamuniay hen a kukuyi, sulinay u ruma ku alesu' niya kukuyi isaw.

Nasaan maherek tu a maumah ci ama aci ina, tangasa sa hen i panan nu luma'. Melaw sa tu nika i sasa niya kukuyi, mavana' tu ci ina. Mamelaw aca ku nikapeduk nu satahev nu dangah. Iha! Kiya hatinitu kacaay pitengil namu saan, melaw sa tiya makulivetay a kukuyi. Mangalev tu ku ringes nira, ala tu akac nu saasik. Sasangien tu kami, masatatel tu ku menah atu kuku' niyam nataesan. Herek a misasangi i tamiyan, suwal satu cira "Anu hacuwa ku nikangalay a kemaen tu kukuyi, talaen tu ku nikataluma' aku kiya a kapah. Anu katepisan nu kukuyi ku tireng namu, a mapetek ku ukak sakalihalawan saan. Aka tu kananam a mahaen sa a mitulun i tamiyan." Sulinay mavana' tu kami tu sidait nu valucu' ni ina atu patelac nu niyam.

媽媽的年糕

小時候，每逢農耕農忙時，剛好是學生放假的日子。爸媽經常一整個星期都在田裡忙，臨走前一定把做好的年糕，吊掛在屋角才放心去耕作。爸媽離家後，哥哥就想偷吃年糕，我說會被爸媽處罰，哥哥卻說不要怕，他們要耕作好多天。於是，我們就拿曬衣服的竹竿，使勁地把年糕推下、偷吃，年糕實在太好吃，爸媽回家看見年糕在地上，知道是我們做的事，告訴我們，萬一年糕砸在身上是非常危險的事，我們明白爸媽的關愛，也了解自己犯的錯。